

ENDURSKOÐUN

&BÓKHALD

Kynningarblað Launavinnsla, reikningsskil, skattaskil, viðskiptaráðgjöf, sérfræðiráðgjöf, löggilding.

Fyrirtæki án landamæra

Ernst & Young hefur frá árinu 2002 starfað við einstaklega góðan orðstír á Íslandi. Fyrirtækið er hluti af alþjóðlegri samsteypu sem þykir vera leiðandi á sviði endurskoðunar, skatta, viðskipta og ráðgafþjónustu um allan heim.

Ernst & Young hóf starfsemi á Íslandi árið 2002. Þrátt fyrir að vera yngsta fyrirtækið í hópi fjögurra stærstu endurskoðunarfyrirtækja á Íslandi hefur félagið vaxið mikið á undanförunum árum. Grundvöllur fyrir vexti fyrirtækisins er meðal annars aðgangur að þeirri sérþekkingu sem Ernst & Young býr yfir um allan heim.

„Það er gríðarlega mikilvægt fyrir okkur að hafa aðgang að þessari sérþekkingu. Þess vegna höfum við fengið til starfa sérfræðinga erlendis frá í lengri eða skemmri tíma og höfum við einnig sent starfsfólk út til að sinna ýmsum störfum og kynna starfsemi erlendis. Mikill hreyfanleiki og samvinna er á milli fyrirtækja og starfsmanna innan Ernst & Young. Andrúmsloftið er þannig að allir leggjast á eitt um að þjónusta viðskiptavininn hvar sem er í heiminum,“ segir Margrét Pétursdóttir forstöðumaður endurskoðunarviðs.

Margrét segir Ernst & Young því leggja mikla áherslu á að vera án landamæra. „Segja má að við séum sjálfstætt starfandi fyrirtæki sem á í öflugum samstarfi við fjölda aðila í gegnum 152.000 starfsmenn og búum því yfir gríðarlegri þekkingu,“ upplýsir hún og segir áherslu lagða á gæði í allri þeirri þjónustu sem fyrirtækið veiti viðskiptavinum sínum. „Við mætum þeim með heiðarleika og samvinnu sem er undirstaða þess að

byggja upp traust viðskiptasambönd.“

Starfsemi fyrirtækisins má skipta niður í fjögur meginsvið, það er skattasvið, ráðgjafasvið, viðskiptaráðgjöf og endurskoðunarvið sem er það svið sem hefur stækkað mest á undanförunum árum en að sögn Margrétar hefur Ernst & Young á Íslandi vaxið ásmegin, stækkað og styrkst og orðið sýnilegra á íslenskum markaði. Fyrirtæki eru í auknum mæli farin að skipta um þjónustuaðila sem var nánast óþekkt áður fyrr. Að sama skapi fara endurskoðendur meira á milli endurskoðunarfyrirtækja en áður. Niðurstaðan er sú að Ernst & Young hefur fengið til starfa meira af fagfólki með ólíkan bakgrunn, þar af fjölda löggiltra endurskoðenda og er þannig betur í stakk búið til þess að taka að sér ný og spennandi verkefni.

Margrét getur þess að eins hafi mikill vöxtur orðið á ráðgjafasviði og viðskiptaráðgjöf Ernst & Young undanfarið ár í kjölfar hrunsins og aukinnar eftirspurnar eftir þeirri þjónustu sem sviðin veita. Sú þjónusta gengur út á áreiðanleikakannanir, aðstoð við kaup og sölu á fyrirtækjum, verðmöt, fjárhagslega endurskipulagningu og ýmsa rannsóknavinnu meðal annars við þrotabú. Sviðið hefur þróað sérhæfðar lausnir þar sem á stuttum tíma er farið í gegnum gögn þrotabús og skrifuð skýrsla fyrir skiptastjóra þar sem dregin



Ernst & Young er sjálfstætt starfandi fyrirtæki sem á í öflugum samstarfi við fjölda aðila í gegnum 152.000 starfsmenn.

MYND/STEFAN

ÞJÓNUSTA OKKAR

ENDURSKOÐUNARSVIÐ:

- Endurskoðun og könnun reikningsskila.
- Uppgjör og alþjóðlegir reikningsskilastaðlar (IFRS).
- Aðrar staðfestingar endurskoðenda.

RÁÐGJAFARSVIÐ:

- Innri endurskoðun og ráðgjöf um áhættu og eftirlit.
- Innra eftirlit upplýsingakerfa, öryggisúttektir og prófanir.
- Ráðgjöf um virðisaukandi aðgerðir.

SKATTASVIÐ:

- Skattaráðgjöf og skipulagning fyrir einstaklinga og fyrirtæki.
- Skattaréttur.
- Félagaréttur.
- Skattalegar áreiðanleikakannanir.
- Bókhald, launaútreikningar og framtalsgerð.

VIÐSKIPTARÁÐGJÖF:

- Áreiðanleikakannanir.
- Verðmöt.
- Fjárhagsleg endurskipulagning.
- Kaup og sala fyrirtækja.
- Ýmis rannsóknarvinna.



Margrét Pétursdóttir forstöðumaður endurskoðunarviðs sem er í örum vexti.

vinnu. Mönnunin er þannig að fólk getur unnið skaplegan vinnutíma enda má álag hvorki koma niður á lífsgæðum né á gæðum þeirrar vinnu sem það innir af hendi.

„Það er margt að gerast hjá okkur og spennandi tímar framundan,“ segir Margrét að lokum.

eru fram atriði sem vekja athygli. Slík vinna hefur oft margborgað sig fyrir þrotabúin. Forstöðumaður viðskiptaráðgjafarsviðs er Guðjón Norðfjörð.

Margrét getur þess að Ernst & Young haldi úti fjölskylduvænni starfsmannastefnu og ríki

almenn ánægja með hana meðal starfsmanna. „Það hefur dregið úr því að starfsfólk hjá okkur þurfi að vinna langa vinnudaga sem bitnaði á einkalífnum, en auðvitað koma samt álagstímar. Okkar stefna er sú að fólk geti sinnt fjölskyldu og áhugamálum utan



Bókhald kom til sögunnar til að bændur gætu haft yfirsýn yfir fjölda búfjár og magn uppskeru.

Töldu kindur og mældu uppskeru

Menn hafa fært bókhald um eignir sínar, tekjur og útgjöld allt frá því í Mesópótamíu fyrir 7.000 árum. Með tilkomu hlutafélaga og fjárfesta varð bókhaldið flóknara og endurskoðendur komu til sögunnar.

Bókhald hefur fylgt mannkyninu um þúsundir ára. Elstu bókhaldsgögn sem fornleifafræðingar hafa fundið eru 7.000 ára gömul og fundust við uppgröft þar sem hið forna menningarríki Mesópótamía stóð. Strax þá var fólk farið að færa bókhald yfir eignir sínar sem aðallega samanstóðu af búfenaði og uppskeru.

Í upphafi þjónuðu bókhaldsfærslur eingöngu því hlutverki að veita eiganda búfjár og akra yfirsýn yfir eignir sínar, aukningu þeirra eða minnkun. Enginn annar fékk að líta bókhaldið augum. Málið flæktist þegar umsvif fólks urðu meiri og fleiri en einn eigandi eða fjárfestir kom við sögu. Fyrstu bókhaldsgögnin á því formi sem við þekkjum í dag eru talin hafa þróast á Ítalíu á fjórtándu öld þegar verslunarumsvif ríkra kaupmanna jukust og þeir fengu fleiri í lið með sér til að fjármagna verslunarleiðangra til fjarlæggra landa. Þessir fjárfestar vildu að sjálfsögðu geta fylgst með því sem fór um hendur



Reiknivélarnar voru ekki flóknar til að byrja með.

kaupmannsins, bæði innkomu og útgjöldum.

Með tilkomu hlutafélaga flæktist málið enn og þá varð til það tvöfalda kerfi sem við þekkjum í dag, það er að segja annars vegar rekstrarreikningar og hins vegar

efnahagsreikningar.

Um leið varð til þörfin fyrir að láta utanaðkomandi aðila yfirfara reikningana reglulega, svo ekki væri hætt á að sá sem þá færði hagræddi þeim, og þar með varð starf endurskoðandans til.

Vakta stendur vaktina fyrir þig

Vakta er þjónustumiðuð og nútímaleg fjármálaþjónusta sem hefur verið starfrækt frá 2010. Félagið er á Suðurlandsbraut 18 og heldur úti vefsíðunni www.vakta.is.

Vakta sérhæfir sig í úthýsingu þess hluta fyrir-tækjarekstrar sem jafnan kallar á hvað mest umstang, s.s. færslu bókhalds, uppgjör virðisaukaskatts, launaútreikninga, skil á staðgreiðslu skatta og launatengdum gjöldum. Þannig stendur Vakta vaktina fyrir viðskiptavinum sína í hinu síbreytilega skatta- og lagaumhverfi. Vakta býður einnig alhliða innheimtuþjónustu sem spannar allan innheimtuferilinn allt frá útgáfu reikninga til lögfræðiiinnheimtu. Þjónustuframboði Vakta má þannig skipta í tvennt, fjármálavakt og innheimtuvakt.

Fjármálavaktin

Fjármálavaktin stendur vaktina gagnvart skattfyrirvöldum, stéttarfélagum, lífeyrissjóðum eða öðrum aðilum, auk þess að annast útreikning launa, VSK uppgjör og færslu bókhalds fyrir viðskiptavinum Vakta. Hver þjónustusamningur er klæðskeramiðaður að þörfum hvers viðskiptavinar með hagkvæmni og aðhald í rekstri að leiðarljósi. Vakta tekur einnig að sér ársreikningagerð og skattskil einstaklinga og fyrirtækja.

Innheimtuvaktin

Innheimtuvaktin er innheimtuþjónusta sem spannar allan innheimtuferilinn. Innheimtuvaktin annast gerð söluveikninga, póstagningu, milliinnheimtu og lögfræðiiinnheimtu og er að



Vakta er með starfsemi á Suðurlandsbraut 18.

kostnaðarlausu fyrir viðskiptavinum Vakta ef valin er þjónustulína sem spannar allan þjónustuferilinn.

Mörg fyrirtæki hafa nýtt sér kosti úthýsingar á fjármálaþjónustu og hefur færst í aukana að Vakta sjái um heildarlausnir fyrir fyrirtæki, ekki eingöngu hefðbundna bókhalds- eða innheimtuþjónustu heldur einnig um greiðslu reikninga, móttöku pósts, samskipti við viðskiptavinum og fleira.

Öflugt teymi sérfræðinga

Á bak við Vakta er öflugt teymi sérfræðinga. Fyrirtækið er í nánu samstarfi við Nordik lögfræðiþjónustu um skatta- og lögfræðiráðgjöf auk þess að hafa úr að ráða löggiltum endurskoðendum og öðru sérhæfðu starfsfólki. Hver viðskiptavinur vinnur í samstarfi við þjónustufulltrúa sinn


Vakta
FJÁRMÁLAPJÓNUSTA

hjá Vakta sem sér um að halda utan um gögn, skipuleggja verkferla og minna á það sem skiptir máli. Á heimasíðu Vakta er síðan þjónustuvefur þar sem viðskiptavinir geta fengið aðgang að fjárhagsskýrslum og gögnum er varða reksturinn og eru þannig aðgengileg þeim hvar og hvenær sem er.

Félagið er staðsett á Suðurlandsbraut 18 í Reykjavík. Nánari upplýsingar um Vakta er að finna á heimasíðu þess, www.vakta.is, en einnig veitir Ásta Friðriksdóttir framkvæmdastjóri upplýsingar í síma 522 5220.

VISSIR ÞÚ ...

- ... að Luca Pacioli skrifaði fyrstu bókina um tvöfalt bókhald árið 1494. Hann er oft nefndur faðir bókhaldsins.
- ... að Robert Duvall leitaði ráða hjá endurskoðanda sínum um hvort hann ætti að taka á sig fjárhagsáhættu með tilheyrandi streitu í einkalífnum með því að framleiða, leika í og fjármagna handrit sitt að kvikmyndinni *The Apostle*. Myndin vann til ótal verðlauna og Duvall tilnefndur besti leikarinn til Óskarsverðlauna 1998.
- ... að kostnaðartölur eru nefndar í Biblíunni? Í Lúkasarguðspjalli, kapitula 14:28 segir: „Segjum að einn ykkar vilji byggja turn. Mun hann ekki fyrst setjast niður og áætla kostnað til að sjá hvort hann hafi næg fjárráð til að ljúka við smíðina?“
- ... að í Ríkisháskólanum í Ohio er frægðarhöll bókhaldsins?
- ... að fyrstu próf í endurskoðun voru haldin í New York árið 1896?
- ... að fyrsti leikarinn til að leika Sherlock Holmes var endurskoðandi á umboðsskrifstofu í bíóbransanum? Sú snögga breyting á starfsferli er enn talin ein af óleystu ráðgátunum í sögu spæjara.



MUNKURINN SEM KENNDI BÓKHILD

Luca Pacioli (1447-1517), sem kallaðist Fransískumunkurinn flakkandi, var þekktur stærðfræðingur á sinni tíð. Hann var samtímamaður Kristófers Kólumbusar og vinur og samverkamaður Leonardos da Vinci. Frægasta verk hans „Summa de Arithmetica, Geometrica, Propotioni et Proportionalite“, sem gefið var út árið 1494, innihélt kaflann „Particularis de Computis et Scripturis“ (Nákvæmar lýsingar á bókhaldi og skráningu) sem útskýrði bókhaldskerfið sem feneyskir kaupmenn notuðu á þeim tíma. Ritið var prentað og þýtt á önnur tungumál, dreifðist um alla Evrópu og hafði afgerandi áhrif á þróun bókhalds og uppgjöra í mörg ár.



Feneyjar



Brynhildur Björnsdóttir og Svava Huld Þórðardóttir segja það skipta máli fyrir lítil fyrirtæki að geta gengið að rekstrarupplýsingum vísam um hver mánaðamót.

MYND/GVA

Bókhald á mannamáli

Hagsýn heldur utan um bókhald lítilla og meðalstórra fyrirtækja. Allar upplýsingar eru unnar mánaðarlega svo hægt sé að fylgjast með sveiflum í rekstrinum.

Við matreiðum upplýsingarnar svo allir skilji þær og reynum að forðast að nota flókin fjármálhugtök,“ útskýrir Brynhildur S. Björnsdóttir, annar eigandi bókhaldsþjónustunnar Hagsýn. „Við vinnum einnig upplýsingarnar mánaðarlega. Atvinnurekandinn sér því allar sveiflur í rekstrinum og getur byggt reksturinn á þeim. Upplýsingarnar eru fyrir fyrirtækið sjálft, ekki bara skattinn,“ bætir hún við.

Brynhildur stofnaði Hagsýn ásamt Svövu Huld Þórðardóttur fyrir tveimur árum en þær sáu þörf fyrir sveigjanlega bókhaldsþjónustu fyrir lítil og meðalstór fyrirtæki, einyrkja og nýsköpunarfyrirtæki. „Atvinnuumhverfið í dag er mikið breytt. Margir fara

af stað í kreppu í að selja það sem þeir eru að skapa, hvort sem það er hugvit eða vara. Við sáum gat á markaðnum fyrir þennan hóp sem ekki er kominn á það stig að ráða sérhæfðan fjármálastjóra og skortir kannski þekkingu á þessu sviði, áhuga og tíma. Við Svava erum báðar sérhæfðar í stjórnun og stefnumótun og ákváðum að samnýta okkar þekkingu.“

Brynhildur segir það skipta lítil fyrirtæki miklu máli að geta gengið að rekstrarupplýsingum vísam um hver mánaðamót. Þá útbúi Hagsýn myndrænt rekstraryfirlit annan hvern mánuð sem fyrirtækin geti nýtt sér sem stjórnborð.

„Þau fyrirtæki sem þurfa á fjárfestum að halda þurfa til dæmis að geta sýnt fram á yfirlit yfir reksturinn og þá liggur þetta alltaf

tilbúið hjá okkur. Eins greiðsludreifum við álaginu yfir árið svo fyrirtækin þurfa ekki að eiga við þunga greiðslupósta tvisvar á ári.“

En hvernig fyrirtæki nýta sér þjónustu Hagsýn?

„Flóran er fjölbreytt og íslenskt atvinnulíf samanstendur ekki bara af stórum fyrirtækjum í dag. Viðskiptavinir okkar eru að stærstum hluta lítil og meðalstór fyrirtæki en einnig einyrkjar. Margir eru í skapandi greinum eða að markaðssetja hugvit, sérfræðingar, fræðimenn, tæknifyrirtæki eða nýsköpunarfyrirtæki. Hópurinn er bjartsýnn miðað við aðstæður í dag og gaman að vinna með þeim. Það er greinilega þörf á þessari þjónustu og frekar að aukast hjá okkur frekar en hitt.“

www.hagsyn.is

Hugarró
og yfirsýn
í fjármálum



Hagsýn býður...

... bókhaldsáskrift þar sem

- Kostnaði er dreift jafnt yfir árið
- Ársreikningur er unninn á 2ja mánaða fresti
- Myndrænt rekstraryfirlit er unnið á 2ja mánaða fresti
- Bókhaldið nýtist sem kompás rekstursins

Hagsýn er...

... fyrir lítil og meðalstór fyrirtæki sem vilja

- Einbeita sér betur að því sem þau eru best í
- Fá reglulegar upplýsingar um reksturinn til að ná yfirsýn
- Umhyggju og alúð í fjármálaþjónustu
- Fjármálaþjónustu á mannamáli!

Á hagsyn.is má kynna sér þjónustu okkar betur og skoða umsagnir frá samstarfsaðilum okkar og viðskiptavinum






HVAÐ ÞARF TIL AÐ VERÐA LÖGGILTUR ENDURSKOÐANDI?

Í lögum um endurskoðendur nr. 79/2008 er eftirfarandi skilgreining á endurskoðanda: „Sá sem hefur þekkingu til að gefa hlutlaust og áreiðanlegt álit á reikningsskilum og öðrum fjárhagsupplýsingum, hefur löggildingu til starfa við endurskoðun og fullnægir að öðru leyti skilyrðum laga þessara.“

Samkvæmt Félagi löggiltra endurskoðenda þarf einstaklingur sem vill hljóta löggildingu sem endurskoðandi að hafa lokið meistaranámi í endurskoðun og reikningsskilum, hann verður að hafa lokið þriggja ára starfsþjálfun við endurskoðun og hann þarf að hafa staðist sérstakt löggildingarpróf.

Til að öðlast löggildingu til endurskoðunarstarfa þarf viðkomandi að fullnægja eftirtöldum skilyrðum:

1. Eiga lögheimili hér á landi, eða vera ríkisborgari aðildarríkis að Evrópska efnahagssvæðinu, aðildarríkis stofnsamnings Fríverslunarsamtaka Evrópu og Færeyja.
2. Vera lögráða og hafa haft forræði á búi sínu síðastliðin þrjú ár.
3. Hafa óflekkað mannorð, svo sem áskilið er til kjörgengis til Alþingis.
4. Hafa lokið meistaranámi í endurskoðun og reikningsskilum sem viðurkennt er af endurskoðendaráði.
5. Hafa staðist sérstakt próf.
6. Hafa starfað að lágmarki í þrjú ár undir handleiðslu endurskoðanda við endurskoðun ársreikninga og annarra reikningsskila hjá endurskoðunarfyrirtæki.
7. Hafa starfsábyrgðartryggingu.



Skattur leynist í flestu sem við leggjum út fyrir og óumflýjanlegt að fylla út skattframtalið einu sinni á ári, þótt margir nýti sér þjónustu endurskoðenda til að sjá um skattamál sín.

Dauði og skattar

Skattframtalið kemur gjarnan upp í hugann þegar tal berst að endurskoðun. Skattar eru samofnir tilveru okkar frá nánast vöggu til dauða og hafa orðið ritfærum að yrkisefni.

Þau nöpru spakmæli að ekkert sé öruggt í þessari veraldarboru annað en dauðinn sjálfur og blessaðir skattarnir fela í sér forlagatrú um óhjákvæmileika dauðans og þann stóra og nær vonlausa vanda að sleppa við skattbyrði samfélagsins ævina út.

Ýmsir nafnkunnir rithöfundar hafa viðhaft þessi frægu og títtnefndu ummæli. Fyrstur þeirra var enski höfundurinn Daniel Defoe í *The Political History of the Devil*, árið 1762, en þar skrifaði hann að „hægara væri að trú á jafn fullvísa hluti og dauðann og skattinn“.

Bandaríski rithöfundurinn Benjamin Franklin notaði sömu orðskviðu í bréfi til Jean-Baptiste Leroy árið 1789, en á þann hátt sem nútímamaðurinn þekkir betur í dag.

Bréfið var endurprentað í ritsafni Benjamins Franklin, 1817. Í því skrifar hann: „Í þessum heimi er ekki hægt að telja neitt víst nema dauðann og skattinn.“

Bandaríska blaðakonan og rithöfundurinn Margaret Mitchell kom með aðra nálgun á þessi fleygu spakmæli í skáldsögunni *Á hverfanda hveli* árið 1936, en sú mikla orlagasaga var kvikmynduð 1939 og hlaut tíföld Óskarsverðlaun. Í henni skrifaði Mitchell: „Dauði, skattar og barnsfæðingar! Það er aldrei góður né hentugur tími fyrir neitt af því.“



Benjamin Franklin

Daniel Defoe

Margaret Mitchell



NÝTT FÉLAG

á traustum grunni

BDO ehf. er nýtt endurskoðunarfyrirtæki sem veitir alhliða þjónustu á sviði endurskoðunar og ráðgjafar.

BDO ehf. er aðili að alþjóðlegu neti sérfræðifyrirtækja sem öll starfa undir merkjum BDO.

www.bdo.is

BDO ehf. | Kollunarklettsvegi 1 | 104 Reykjavík | Sími: 531 1111



BRANDARAR UM ENDURSKOÐENDUR

Endurskoðandi gengur

fram á betlara, sem situr við götuna, á leið sinni til vinnu einn morguninn. „Máttu missa smá klink?“ spyr betlarinn kurteislega. „Hvers vegna ætti ég að gefa þér peninga?“ spyr endurskoðandinn.



„Af því að ég er blankur,“ segir betlarinn þolinmóður. „Ég á enga peninga og ekkert að borða.“ „Ég skil,“ segir endurskoðandinn. „Og hvernig er sú staða miðað við stöðuna á sama tíma í fyrra?“

Tveir endurskoðendur fara í kirkjugarðinn til að heimsækja gróf látins kollega. Þeir leita og leita en finna hvergi legsteininn hans. Loks snýr annar þeirra sér að hinum og segir: „Kannski hann hafi sett hann á nafn konunnar sinnar.“

HJÓLKOPPAR

&FELGUR

Kynningarblað Nýjar og notaðar felgur, Vefverslanir, Umfelgunarþjónusta, Dekkjasala, Fylgihlutir, Fróðleikur




NORDICPHOTOS/GETTY



Pólyhúðum og blásum felgur og aðra málmhluti, vönduð og góð vinna

11 ára reynsla

Ryðfrí, ál, blikk og almenn sérsmiði



Brekkutröð 1 - 220 Hafnarfjörður - Sími 565 1944 - Fax 555 1945
hagstal@simnet.is

HAGSTÁL EHF

Umboðssala fyrir felgur

Dekkjásalan ehf. Dalshrauni 16 í Hafnarfirði fagnar um þessar mundir tveggja ára starfsafmæli sínu. Aðalstarfsemi fyrirtækisins er umboðssala með dekk og felgur. Dekkjásalan heldur úti öflugri heimasíðu, www.dekkjasalan.is, þar sem hægt er að skoða allar vörur sem eru í umboðssölu.

Dekkjásalan, að Dalshrauni 16 í Hafnarfirði, býður upp á þá þjónustu að fólk sem á dekk og eða felgur getur komið með vöruna í fyrirtækið þar sem gerður er umboðssölusamningur. Dekkjásalan auglýsir svo vöruna, selur og leggur andvirðið að frádregnum sölulaunum inn á reikning viðkomandi.

Valdimar Sigurjónsson, eigandi fyrirtækisins, segir að verulega hafi komið á óvart hversu mikil þörf væri á umboðssölu fyrir felgur. „Í byrjun fór þetta rólega af stað enda aðaláherslan lögð á dekk.

Þegar í ljós kom hversu mikil þörf væri á skipulögðum markaði fyrir felgur þá var ákveðið að auka við þá þjónustu og núna eru um tvö þúsund felgur á skrá hjá okkur, ásamt því að fylgihlutir eins og hjólkoppur, felgumidjur og fleira er farið að tínast til,” segir Valdimar en þess má geta að töluvert úrval er af stökum felgum sem er hugsað fyrir þá sem skemmt hafa eina úr ganginum.

„Þegar við sáum umfangið í felgunum þá gerðum við samninga við alla helstu birgja í innflutningi á dekkjum og getum boðið upp á

mikið úrval af nýjum dekkjum á samkeppnishæfu verði og að sjálf-sögðu er úrvalið mikið í notuðu dekkjunum. Einnig er töluvert til af dekkjum á felgum, ballanserað og klárt til undirsetningar,” segir hann.

Kostirnir við að kaupa felgurnar hjá Dekkjásölnunni eru að þar eru felgur yfirfarnar og gengið úr skugga um að þær séu í lagi og þær passi. Einnig er boðið upp á að fólk geti mátað og sjái þannig hvernig heildarpakkinn lítur út áður en af kaupum verður.

„Mikið er um að fólk sé að versla sín á milli á netinu eða í smáauglýsingum með felgur. Þessi kaup eru vandasöm og geta leitt af sér mörg vandamál og aukakostnað,” segir Valdimar og bendir á að til að mynda sé ekki nóg að huga eingöngu að gatadeilingu heldur geti stærð felgunnar, breidd, offset, backspace, felguboltar, miðjugat og fleira skipt lykilaatriði til að felgur af einum bíl passi á annan.

„Fyrir utan þau tæknilegu atriði sem máli skipta þá er oft ekki allt sem sýnist, felgur sem útlits-

“Núna eru um tvö þúsund felgur á skrá hjá okkur.”

lega líta vel út geta verið skakkar eða gallaðar. Komið hefur fyrir að felgur sem við höfum neitað að taka í umboðssölu vegna skekkju, dúkka síðan upp í smáauglýsingum þar sem ekki er tekið fram að þær séu gallaðar eða í raun ónýtar,” segir Valdimar.

Eins og áður sagði eru allar felgur á Dekkjásölnunni sem koma í umboðssölu yfirfarnar og þær sem ekki standast það nálarauga eru ekki teknar í sölu. Ef eitthvað sleppur í gegnum nálaraugað er sjö daga skilafrestur og er það aðallega hugsað þegar felgur eru sendar út á land eða eru ekki settar undir á staðnum.

Allar vörur á heimasíðunni eru staðsettar í vöruhúsi fyrirtækisins að Dalshrauni 16 í Hafnarfirði þar sem hægt er að nálgast þær ásamt því að fyrirtækið býður upp á að koma vörum til flutningsfyrirtækja til sendinga á landsbyggðina kaupendum að kostnaðarlausu.

Dekkjásalan er opin frá klukkan 8 til 18 virka daga, til klukkan 21 þriðjudaga og fimmtudaga og frá klukkan 10 til 16 laugardaga.

Sjá www.dekkjasalan.is



Valdimar Sigurjónsson er stofnandi og eigandi Dekkjásölnunnar. Hann bendir á heimasíðu fyrirtækisins, www.dekkjasalan.is. Þar eru myndir af felgunum sem eru í umboðssölu ásamt helstu tæknilegu upplýsingum og verði.

MYND/

25 ÁRA FORNBÍLAR

Samkvæmt reglum þurfa bílar að ná 25 ára aldri til að teljast fornbílar. Það þýðir að bílar af árgerðinni 1986 eru nú formlega komnir í þennan virðulega flokk. Fornbílaklúbbur hefur verið starfandi hér á landi frá árinu 1977 og félagar innan hans eru flestir duglegir að hittast. Yfir eitt þúsund manns eru skráðir félagsmenn. Klúbburinn er á Facebook og þar getur fólk auglýst eftir hlutum í bíla sína eða selt en auk þess er virk heimasíða www.fornbill.is. Sýningar Fornbílaklúbbsins hafa ávallt vakið mikla athygli.



KONUR Á MÓTORHJÓLUM

Áhugi kvenna á mótörhjólaakstri hefur aukist mikið hér á landi. Konurnar eru á öllum aldri og margar þeirra hittast reglulega yfir sumartímann og hjóla saman um landið. Starfsemi klúbbanna er þó virk allt árið þar sem konurnar hittast einu sinni í mánuði og sumar oft. Tvö félög mótörhjóla-kvenna eru starfandi í Reykjavík, Skutlurnar og Harley Davidson skvísurnar sem flestar eru eiginkonur karla í Harley Davidson klúbbnum. Þær kalla sig Mafiu Dóru frænku eða MDF.

Skutlurnar hafa verið starfandi frá árinu 2005 en félagið var stofnað af Ásthildi Einarsdóttur. 36 konur eru skráðar í félagið.

Konur eru einnig virkar á landsbyggðinni, á Akureyri og í Keflavík. Á síðasta ári opnaði mótörhjólasafn á Akureyri. Hugmyndin með safninu er að varðveita 100 ára sögu mótörhjóla á Íslandi.

Gott er að hafa í huga fyrir þá sem vilja eignast mótörhjóla að hlífðarfatnaður er nauðsynlegur öllum þeim sem ferðast um á bifhjól. Samkvæmt vef Umferðarstofu þarf hlífðarfatnaðurinn að vera slitsterkur og inni í fatnaðinum eða innan undir honum þurfa að vera svokallaðar brynjur sem draga úr höggi og alvarlegum meiðslum. Stígvél fyrir mótörhjólaakstur þurfa að vera með stífum ökkla til að minnka líkur á ökklabroti. Hlífðarbúnaður skal vera merktur samkvæmt stöðlum um öryggi.



Tvö félög mótörhjóla-kvenna eru starfandi í Reykjavík og jafn mörg á landsbyggðinni.

Duftlökkum



felgur, stuðara o.fl.

- Verndar gegn tæringu
- Auðveldar þrif
- Mikið úrval lita

Pólyhúðun
Powder coating

Smíðjuvegi 3 - 200 Kópavogur - Sími 544 5700

www.polyhudun.is

Stjanað við felgurnar

Felgur.is hefur selt landsmönnum traustar og flottar álfelgur undanfarin tólf ár. Úrvalið er ríkulegt og hægt er að máta felgur á netinu en líka að fá gamlar felgur eins og nýjar.

„Við seljum álfelgur frá 26 aðilum í Þýskalandi og á Ítalíu, með öllum þeim stimplum og vottunum sem krafist er í vest-rænum þjóðfélögum,“ upplýsir Tinna María Magnúsdóttir verslunarstjóri Felgur.is.

Hún segir viðskiptavinum góðan aðgang að myndum verslunarinnar og að á heimasíðunni geti þeir prófað að setja mismunandi álfelgur undir bílinn sinn í þar til gerðum „mátunarklefa“.

„Þar sem úrvalið er mjög ríkulegt og margar felgur koma til greina á sama bíl er nauðsynlegt að geta leiðbeint viðskiptavinum svo þeir fái réttar felgur á bíla sína,“ útskýrir Tinna María.

Felgur.is rekur einnig verkstæði með besta fáanlega vélbúnaði til að gera við gamlar felgur, hvort sem þær eru brotnar, beyglaðar, kantaðar eða jafnvel miðjuskakkar.

„Þá tökum við að okkur að pólý-húða felgur og gera eins og nýjar á ný, og höfum áratuga reynslu í breikkun felgur. Við sinnum einnig læsingum eins og Maglock, Bedlock og MT-Lock,“ segir Tinna María.

Nýjasta varan í verslun Felgur.is er bílljós af öllum gerðum.

„Við erum með framljós, afturljós, vinnuljós og nánast öll ljós á bílinn; LED og Xenon, sem eru einnig með E-merktum



Hér má sjá Tinnu Maríu Magnúsdóttur, verslunarstjóra Felgur.is, með glæsilega álfelgu í fanginu, en sjón er sannarlega sögu ríkari þegar kemur að ótrúlegu úrvali álfelga í versluninni.

MYND/GVA

stimplum fyrir Evrópu. Hægt er að skoða þetta allt á www.felgur.is og fá leiðbeiningar um val á álfelgum og öðrum vörum. Þá er ekki úr vegi að taka spreibrúsa af afar góðum og umhverfisvænum felgurensi til að stjarna við felgurnar, en leigubílstjórar

sækja meðal annars mikið í þessa vöru hjá okkur,“ segir Tinna.

Tekið er vel á móti viðskiptavinum í höfuðstöðvum Felgur.is á Axarhöfða 16, 110 Reykjavík. GPS-hnit: 64° 7,492'N, 21° 49,077'W (ISO93: 362.769, 405.498). Sími er 567 3322.



Lexus sýnir hugmyndabílinn LF-LC á blaðamannafundi á bílasýningunni í Chicago fyrr í mánuðinum.

NORDICPHOTOS/AFP

HUGMYNDABÍLAR VÖKTU HRIFNINGU

Mikið var um dýrðir á hinni árlegu bílasýningu í Chicago sem fór fram fyrir skemmstu. Venju samkvæmt vöktu mesta athygli hugmyndabílar og ný módel sem voru frumsýnd við það tækifæri.

Bílasýningin í Chicago er sú stærsta sinnar tegundar í Norður-Ameríku og hefur verið haldin við góðan orðstír í meira en öld. Sýningin lagðist af á árunum 1943 til 1950 þegar aukin framleiðsla á skriðdrekum og herbílum í seinni heimsstyrjöldinni varð til þess að áhugi á bílum dvínaði. Eftir að sýningin var endurvakin með krafti hefur hún átt vinsældum að fagna allar götur síðan.



Upprunalegur Chevrolet Corvette frá 1953 ásamt nýju 60 ára afmælisútgáfunni, Corvette 427 blæjubíl.

NORDICPHOTOS/AFP

Gæði og gott úrval

N1 er landsins umsvifamesti innflutnings- og söluaðili á felgum og býður vandaða umfelgunarþjónustu. Arnar Tryggvason, sölustjóri N1 Fellsmúla 24, veit allt um málið.

„Við bjóðum felgur og dekk í miklu úrvali frá leiðandi framleiðendum á heimsvísu og fyrir allar gerðir bifreiða,“ segir Arnar og nefnir helstu vörumerkin til sögunnar.

„Mest erum við að selja á tilbodsverði vandaðar og fallegar felgur frá LF Work fyrir flestar gerðir japanskra og kóreskra bifreiða,“ upplýsir hann. „Svo erum við með fjögur merki frá All Car í Þýskalandi; hágæða AEZ Exclusive felgur fyrir fólksbíla og jeppa; Jafn flottar en ódýrari Dezent felgur fyrir fólksbíla og jepplinga; lífsstílsmerkið Dotz sem hentar fólks- og sportbílum, óbreyttum jeppum – þessar felgur eru stílaðar inn á ungt fólk; að ógleymdum ódýrum felgum fyrir fólksbíla frá Enzo sem eru kjörnar fyrir þá sem kjósa einfaldleikann.“

Þá segir Arnar N1 selja felgur frá Rimstock í Bretlandi, jeppafelgur frá Ultra og jeppaálfelgur frá All-light Wheels. Hann minnir á að handhafar N1 kortsins njóti sérstakra kjara og fái afslátt af öllum felgum. „Nema LF Work sem eru á sérstöku tilboði um þessar mundir.“

Ellefu verkstæði eru rekin á vegum N1 víðs vegar um landið og þar af átta hjólbarðaverkstæði; sex á höfuðborgarsvæðinu, eitt í Reykjanesbæ og annað á Akranesi sem öll hafa hlotið hina eftirsóttu



Arnar minnir á að handhafar viðskiptakorta frá N1 njóti sérstakra kjara og fái meðal annars afslátt af felgum.

MYND/GVA

Michelin-gæðavottun fyrir að fylgja vinnureglum og fyrir góða umgengni og þjónustu. Á þeim starfa reyndir menn sem leggja sig fram við að veita faglega þjónustu með fullkomnum tækjabúnaði, að sögn Arnars. „Allir staðirnir bjóða umfelgun og flestir eru

með sérstakar vélar fyrir álfelgur og finni felgur,“ bendir hann á og bætir við að á mörgum þeirra bjóðist hjólbarða- og smurþjónusta og almenn viðgerðarþjónusta.

Hægt er að kynna sér betur vörur og þjónustu N1 á heimasíðunni n1.is og dekkinn og tengdar vörur á N1 vefsíðunni dekk.is. sem Arnar segir í stöðugri þróun og vexti. „Þar má til dæmis fletta upp dekkjamynstri ásamt myndum og upplýsingum um verð og sölustaði með því að skrá í dekkjastærð. Ef stærðin er ekki á hreinu má sækja hana á vef Bifreiðaskrár með því að leita eftir bílnúmerinu.“

MIKIÐ ÚRVAL AF GÆÐA ÁLFELGUM Á FLESTAR GERÐIR BIFREIÐA

16" 16.500 kr.		ENTOURAGE	
16" 16.500 kr. 17" 17.900 kr. til 18.900 kr.		MIRAGE	
17" 20.500 kr.		BLAZE	
14" 13.500 kr. 15" 14.900 kr. 16" 17.500 kr. 18" 22.900 kr.		SATURN	



VOLVO AMAZON Í 50 ÁR

Um þessar mundir er hálf öld síðan Volvo Amazon langbakurinn var fyrst kynntur til sögunnar á bílasýningu í Stokkhólmi.

Volvo Amazon bílarnir voru framleiddir árin 1956 til 1970. Tæplega 667.320 eintök voru gerð í ýmsum útgáfum og þar á meðal fólksbílar og sportlegar útgáfur. Síðasti Amazon sem byggður var er með framleiðslunúmerið 73 220. Hann var keyrður beint af færíbandinu inn í Volvo-bílasafnið í Gautaborg og er þar enn til sýnis.

Nánar á www.fib.is



FYRSTI FJÖLDAFRAMLEIÐI BÍLLINN

Í gegnum tíðina hafa verið deildar meiningar um hver sé fyrsti fjöldaframleiddi bíllinn en margir eignað Curved Dash Oldsmobile þann heiður.

Oldsmobile var fyrst framleiddur árið 1901 bílasmiðnum Ransome Eli Olds (1864-1950) en Oldsmobile varð síðar hluti af General Motors.

Fyrsti bíllinn sem framleiddur var á færíbandi var hins vegar Model T frá Ford, árið 1908. Model T seldist í milljónum eintaka og var lengi vel langmest seldi bíll í heimi.

Aðrir bílar sem þykja einnig koma til greina koma eru Benz Velo (1894) og Duryea Motor Wagon (1893) sem voru fyrstu bílarnir sem voru staðlaðir. Fyrir tíma þeirra var sérhver bíll sérsníðinn og sérhannaður.

HVER FANN UPP HJÓLIÐ?

Hjólíð er ein af merkustu vélauppfirningum sögunnar. Frá tímum iðnbyltingarinnar hafa nánast allar vélar byggt á hjólum í einhverri mynd, hvort sem það eru fingerð úr, farartæki, flugvéla-mótorar eða tölvudrif.

Fyrsta hjólíð sem vitað er um er hjól leirkerasmiðs í Mesópótamíu 3500 árum fyrir Krist, en það sást á fornum steintöflum. Fyrsta hjólíð á fararskjóta er talið hafa verið á stríðskerrum Mesópóta 3200 árum fyrir Krist. Hjól með teinum sáust svo fyrst undir egypskum stríðsvögnum um árið 2000 fyrir Krist og hjól virðast hafa þróast í Evrópu án

áhrifa frá Mið-Austurlöndum um 1400 fyrir Krist. Þróun hjóla undir farartæki var þó sáralítill í vestrænum samfélögum þar til í upphafi 20. aldar.



GLÆSILEG BÍLASÝNING

Talið er að hundruð þúsunda gesta hafi streymt á bílasýninguna í Washington sem var haldin fyrir skemmstu. Á fimmta tug bílaframleiðenda kynntu þar 700 gerðir bifreiða til sögunnar og þar af var stór hluti nýir bílar til að skoða og reynsluaka.

Bílasýningin í Washington hefur verið haldin við miklar vinsældir um áratuga skeið. Að þessu sinni grípu skipuleggjendurnir til þess ráðs að lengja hana um helming og ekki virtist veita af því fullt var út að dyrum þá tíu daga meðan á henni stóð.

Á meðal bíla sem voru sýndir er þessi Audi R8 Spyder sem vakti verulega lukku fyrir fallagar línur.



SPORT 2
enski boltinn

ER TITILLINN KOMINN Í ÁSKRIFT Á OLD TRAFFORD?

**ENSKI
BOLTINN
STÆRRI
EN ALLT
TRYGGÐU ÞÉR ÁSKRIFT**



Hluti af þeim endurskoðendum sem starfa hjá Íslenskum endurskoðendum. Nöfn í stafrófsröð eru: Björn Björgvinsson, Guðmundur Óskarsson, Hreggviður Þorsteinsson, Jón Örn Gunnlaugsson, Magnús Benediktsson, Ómar Kristjánsson, Sturla Jónsson og Sveinbjörn Sveinbjörnsson.

MYND/GVA

Íslenskir endurskoðendur sameina krafta sína

Íslenskir endurskoðendur annast endurskoðun reikningsskila og staðfestingu fjárhagsupplýsinga, jafnt fyrir lítil, meðalstór og stór fyrirtæki. Einnig hefur félagið hug á að spila stórt hlutverk í endurmenntun endurskoðenda og framþróun fagstéttarinnar hér á landi.

Fyrirtækið Íslenskir endurskoðendur var stofnað í ársbyrjun 2011 og er í dag orðið fimmta stærsta endurskoðunarfyrirtæki landsins eftir því sem næst verður komist ef metið er í fjölda starfandi löggiltra endurskoðenda. Tólf endurskoðendur sem áður störfuðu sem einyrkjar eða á smáum endurskoðunarfyrirtækjum tóku höndum saman um að sameinast í öflugum fyrirtæki.

Sturla Jónsson framkvæmdastjóri segir að höfuðstöðvar séu að Suðurlandsbraut 18 en starfsstöðvar eru einnig í Garðabæ, Hafnarfirði, Akureyri og á Ísafirði. „Fyrirtækið er enn ungt að árum en hefur vaxið hratt. Upphaflega hugmyndin að stofnun þessa félags var að sameina endurskoðendur sem höfðu starfað einir eða á litlum stofum. Flestir eru þetta endurskoðendur með langa reynslu í faginu. Tilgangurinn var ekki síst að mæta auknum kröfum sem gerðar eru til okkar í dag með tilkomu nýrra laga um endurskoðendur sem samþykkt voru árið 2008. Með lögnum voru innleiddir alþjóðlegir endurskoðunarstaðlar hér á landi sem gera auknar kröfur til endurskoðunar reikningsskila en áður hefur tíðkast auk aukinna krafna um gæðaeftirlit innan fagstéttarinnar,“ segir Sturla.

Sameinaðir kraftar

„Með stofnun Íslenskra endurskoðenda var mögulegt að bakka

menn upp og styðja við þessar faglegu kröfur sem hafa verið að aukast. Við erum meira farnir að vinna eftir alþjóðlegum stöðlum. Við lítum svo á að með stofnun félagsins séum við raunverulegur valkostur við endurskoðun við hlið stóru alþjóðlegu endurskoðunarfyrirtækja sem starfa hér. Slíkir valkostir hafa verið takmarkaðir, t.d. fyrir minni og meðalstór fyrirtæki. Nafnið okkar, Íslenskir endurskoðendur, gefur fólki hugmynd með hvaða hætti við staðsetjum okkur á þessum markaði. Við erum net lítilla og óháðra endurskoðunarfyrirtækja sem koma saman undir þessu nafni og sameinum krafta okkar,“ segir Sturla enn fremur.

Höfuðstöðvar fyrirtækisins eru á Suðurlandsbraut 18 en Sturla segir að endurskoðendurnir hafi ekki allir sameinast undir einu þaki enn þá. „Frekari sameiningar eru í farvatninu til að styrkja fyrirtækið enn frekar. Viðskiptavinir snúa sér beint til höfuðstöðvanna en á heimasíðunni www.isend.is er hægt að fræðast meira um starfsemi og þá endurskoðendur sem starfa undir þessu nafni.“

Endurmenntun

Íslenskir endurskoðendur halda reglulega námskeið fyrir endurskoðendur. Sturla segir að það hafi verið enn einn tilgangurinn með stofnun félagsins að spila stórt hlutverk í endurmenntun



Sturla Jónsson, framkvæmdastjóri Íslenskra endurskoðenda, í höfuðstöðvum félagsins á Suðurlandsbraut 18.

endurskoðenda. „Það eru gerðar miklar kröfur til endurskoðenda um endurmenntun og það hefur stundum reynst mörgum endurskoðendum, t.d. þeim sem starfa inni á fyrirtækjum, erfitt að uppfylla þessar endurmenntunarkröfur. Þeir hafa ekki haft sama aðgang að námskeiðshaldi og faglegu efni og hinir sem starfa hjá alþjóðlegum keðjum. Markmið okkar félags er að veita endurmenntun fyrir þennan hóp og standa fyrir opnum námskeiðum. Þau námskeið sem við höfum þegar haldið hafa verið vel sótt og greinilega er þörf til staðar. Við höfum jafnframt gengið fram fyrir

skjöldu í notkun á endurskoðun- arhugbúnaði sem margir einyrkjar eru að byrja að nota og höfum við aðstoðað þá við innleiðinguna. Áhersla okkar liggur töluvert í að sinna þessum hópi endurskoðenda enda hefur okkur fundist blóðið renna til skyldunnar að styðja við þennan hóp stéttarinnar,“ greinir Sturla frá.

Nýir endurskoðendur

Sturla segir að engin mörk séu á því hversu lítil eða stór fyrirtæki geti leitað til Íslenskra endurskoðenda. „Við sinnum litlum fjármálafyrirtækjum, stéttarfélögum, lífeyrissjóðum, sveitarfélögum

auk annars konar fyrirtækja, lítila sem þeirra stærri. Sameinaðir erum við sterkari heldur en þegar hver og einn er að starfa í sínu horni. Meðalaldur er í hærra lagi en þeir sem sjá fyrir sér starfslok geta með þessu sameinada verkefni flutt stofuna sína inn í félagið. Margir einyrkjar sem huga að starfslokum finna fyrir því að enginn er til staðar til að taka við rekstrinum. Þeir hafa veigrað fyrir sér að taka að sér nema í endurskoðun þannig að nýir endurskoðendur koma að langmestu leyti frá stærstu stofunum. Með Íslenskum endurskoðendum verður til vettvangur fyrir að taka að sér nema eða vera viðskiptataekifæri fyrir yngri endurskoðendur, þessir yngri geta þá tekið við keflinu af þeim eldri.“

Þekking og reynsla

Íslenskir endurskoðendur leggja ríka áherslu á að uppfylla faglegar kröfur. „Við viljum vera faglegir í vinnubrögðum. Krafan er mikil um framþróun og við stöndumst hana. Þessi góði hópur hefur stórt tengslanet á bak við sig og menn eru stórhuga um að fyrirtækið muni vaxa og dafna þegar fram í sækir. Við byggjum á góðum grunni með mikilli þekkingu og reynslu. Það er mat okkar að Íslenskir endurskoðendur séu raunhæfur valkostur til mótvægis við þessa stóru,“ segir Sturla Jónsson framkvæmdastjóri.

PONZI SVIKAMYLLAN

Ein þekktasta svikamylla í heimi endurskoðunar og bókhalds er að öllum líkindum Ponzi svikamyllan. Hún lýsir sér þannig að fjárfestum er greidd ávöxtun með þeirra eigin fé frekar en að fé þeirra sé notað í fjárfestingar sem skili svo arði sem hægt er að deila út til fjárfesta.

Nafnið kemur frá Bandaríkjamanninum Charles Ponzi sem varð landsþekktur í kringum 1920 fyrir að ná miklum fjármunum af fjárfestum með því að lofa þeim hárrí ávöxtun. Hann hagnaðist á mismun á virði frímerkja á milli landa. Charles Ponzi var langt frá því að vera upphafsmaður þessarar tegundar fjárfestinga. Sem dæmi má nefna að slík svikamylla var tilgreind í skáldsögunni Little Dorrit eftir Charles Dickens frá árinu 1857. Umfang og fjölmiðlaumfjöllun í kringum svik Ponzis voru hins vegar slík að honum hlaut sá vafasami heiður að vera eignað nafnið á svikumunum.

Til eru mýmörg dæmi um Ponzi svik í gegnum tíðina. Fjöldi þeirra stórkjóst þó á níunda áratugnum og hafa svikin verið stunduð af fjölmörgum óprúttum æ síðan.

Stærsta og þekktasta Ponzi svikamyllan uppgötvaðist árið 2008 þegar Bernard Madoff viðurkendi fyrir sonum sínum að öll hans viðskipti byggðust á lygum. Hann var handtekinn og kærður fyrir fjárfestingar. Svikin gengu út á að í stað þess að í stað þess að bjóða grunsamlega háa ávöxtun, þá bauð hann 12 prósentu örugga ávöxtun. Einnig hélt hann sjóðnum sínum lokuðum nema fyrir „sérvalda“ sem gerði sjóðinn enn meira spennandi. Svik Madoffs komst upp þegar markaðir í bandaríkjunum lækkuðu skart og fólk byrjaði að taka höfuðstólinn sinn út úr sjóðnum hans. Heildarsvik Madoffs hafa verið metin á milli 12 og 21 milljarð Bandaríkjadala og var hann dæmdur í 150 ára fangelsi þann 29 júní 2009.



Bernard L. Madoff.



Charles Ponzi.



Bækur Johns Grisham seljast í milljónum eintaka. Hann grætur það sennilega ekki að hafa hætt við endurskoðunina.



Tom Cruise var stjarnan í hinni geysivinsælu kvikmynd The Firm sem gerð var eftir sögu Grishams.



Kenny G útskrifaðist sem endurskoðandi með hæstu einkunn í sínum árgangi. Hann starfaði þó aldrei við fagið, enda eftirsóttur saxófónleikari frá unga aldri.

Hættu í endurskoðun og slógu í gegn

Heimsfrægar stórstjörnur eru ekki það fyrsta sem fólki dettur í hug þegar talað er um endurskoðendur. Það kemur því kannski ýmsum á óvart að rithöfundurinn John Grisham og tónlistarmaðurinn Kenny G lærðu báðir endurskoðun í háskóla.

Endurskoðun þykir ekki glamúrur starfsgrein og steriótýpan af endurskoðanda er fötlur, hljóðlátur maður með gleraugu og þunnt hár sem lætur lítið fyrir sér fara. Tveir af hundruð best launuðu listamönnum Bandaríkjanna, John Grisham rithöfundur og Kenny G saxófónleikari, eiga það þó sameiginlegt að hafa í upphafi ferils síns lagt endurskoðun fyrir sig.

Allir vita að John Grisham var lögfæringur áður en hann lagði fyrir sig ritstörf og varð einn söluhæsti höfundur heims. Mun færri vita hins vegar að áður en hann fór í lögfæringu lauk hann BS-prófi í endurskoðun frá fylkis-

háskólanum í Mississippi. Þetta var árið 1977 en Grisham fann sig ekki í endurskoðuninni og innritaðist í laganám stuttu seinna. Í upphafi ætlaði hann að verða skattalögfræðingur en skipti yfir í sakamálin og hóf störf sem slíkur 1983. Frásögn tólf ára fórnarlamb nauðgunar í réttarsalnum varð kveikjan að fyrstu skáldsögu hans, A Time to Kill, sem kom út 1989. Önnur bók hans, The Firm, kom út 1991 og seldist í sjö milljónum eintaka, auk þess sem eftir henni var gerð vinsæl kvikmynd.

Saxófónleikarinn víðfrægi Kenny G hafði líka hug á því að gerast endurskoðandi og útskrifaðist sem slíkur frá Háskólanum í

Washington með hæstu einkunn. Þá þegar var hann þó orðinn atvinnumaður í spilamennskunni og praktiseraði aldrei sem endurskoðandi. Hann sló hressilega í gegn með fjórðu sólóplötu sinni, Duotones, árið 1986 og hefur síðan selt 48 milljónir eintaka af plötum sínum, fengið Grammy-verðlaun og spilað með flestum frægustu músiköntum samtímans.

Nú nýverið kom hann fram í myndbandi við lag Katy Perry, Last Friday Night, og í október síðastliðnum mætti hann í sjónvarpsþáttinn Saturday Night Live til þess að spila með framúrstefnu-rokkbandinu Foster the People í laginu Houdini.

NÁMSMÖGULEIKAR

Boðið er upp á meistaranám í reikningsskilum og endurskoðun sem lýkur með prófgráðunni Master of Accounting and Auditing (MAcc) í Háskóla Íslands og Háskólanum í Reykjavík. Meistaránámið er fjögurra missera. Hægt er að velja um að taka meistaranám í reikningsskilum og endurskoðun sem 90 eininga nám eða 120 einingum hjá HÍ. Nemendur á báðum brautum taka sömu 15 skyldunám-skeið, nemendur sem skráðir eru í 120 eininga námið skrifa að auki 30 eininga meistaraþrófritgerð.

Námið hjá Háskólanum í Reykjavík er 120 ECTS einingar og tekur tvö ár (fjórar annir) ef miðað er við fullt nám. Gert er ráð fyrir fjórum

námskeiðum á önn í fullu námi. Námið hentar vel einstaklingum sem hafa hug á því að vinna við fjármál, reikningshald, reikningsskil og/eða endurskoðun í fyrirtækjum eða stofnunum þar sem sérþekking á sviði reikningsskila og endurskoðunar er skilyrði fyrir starfi. Náminu er ætlað að mæta mikilli þörf á sérþekkingu á reikningsskila- og endurskoðunarsviði.

Atvinnumöguleikar: Uppbygging námsins miðar að því að búa nemendur undir að sinna krefjandi og flóknum störfum á sviði reikningsskila og endurskoðunar en krafan um slíka menntun hefur aukist mikið hjá fyrirtækjum sem m.a. hafa skráð hlutabréf og/eða skuldabréf á verðbréfamarkaði.




Háskóla Íslands.

STÆRSTI HÚSNÆÐISVEFUR LANDSINS

visir

FÉLAG FASTEIGNASALA

Ótrúlegt úrval íbúða til sölu eða leigu!



BYLGJAN 25 ÁRA 989

Heimir & Kolla vakna með þér í bítíð

Fréttir, fróðleikur og frábær tónlist alla virka morgna kl. 6.50 – 9.00

KPMG vill tryggja öllum viðskiptavinum sínum jafn góða þjónustu

Uppgjörs- og bókhaldssvið KPMG sinnir margs konar þjónustu sem nýtist fyrirtækjum af öllum stærðum og gerðum líkt og í bókhaldi, uppgjörum, gerð ársreikninga, skattskilum og launavinnslu. Á sviðinu vinnur reynslumikið og vel þjálfað starfsfólk bæði í Reykjavík og á landsbyggðinni.

KPMG er umsvifamikið fyrirtæki þar sem starfa um 230 manns á ellefu skrifstofum og starfsstöðvum vítt og breitt um landið. Starfsemin skiptist í þrjú megin svið, endurskoðunarsvið, skatta- og lögfræðisvið og fyrirtækjasvið.

Tryggja minni fyrirtækjum góða þjónustu

„Uppgjörs- og bókhaldssviðið er hluti af endurskoðunarsviðinu. Þar þjónustum við minni og meðalstóra aðila sem ekki óska eftir endurskoðun ársreikninga,“ segir Eyvindur Albertsson löggiltur endurskoðandi hjá uppgjörs- og bókhaldssviði KPMG. Sviðið var sett á laggirnar fyrir nokkrum árum til að tryggja að minni og meðalstór fyrirtæki fengju jafn góða þjónustu og stærri fyrirtækin. „Það hafði áður komið fyrir að minni fyrirtækin fengju ekki nægjanlega góða þjónustu og því vildum við breyta,“ segir Eyvindur.

Hátt í þrjátíu manns vinna á uppgjörs- og bókhaldssviðinu í Borgartúni en auk þess eru fleiri starfsmenn á starfsstöðvum úti á landi.

„Þessi þjónusta hefur mælst mjög vel fyrir hjá viðskiptavinum okkar,“ segir Eyvindur og bendir á nauðsyn þess að styðja við fyrirtæki í vexti. „Maður veit aldrei hvenær þessi litlu fyrirtæki verða að stórum viðskiptavinum og því nauðsynlegt að veita þeim góða þjónustu meðan þau vaxa og dafna.“

Bókhald frá a til ö

Uppgjörs- og bókhaldssvið KPMG sinnir margs konar þjónustu, svo sem bókhaldi, uppgjörum, gerð ársreikninga, skattskilum og launavinnslu.

„Við bjóðum upp á alla almenna bókhaldsþjónustu í dk fjárhagsbókhaldi en höfum jafnframt þekkingu á öðrum bókhaldskerfum sem eru á markaðnum á borð við Navision, Axapta, TOK, TOK+, Stólpa og Ópusallt,“ segir Eyvindur.

Þegar bókhald hvers virðisaukaskattstímabils hefur verið fært og afstemmt útbúa starfsmenn sviðsins virðisaukaskattskýrslu fyrir tímabilið sé viðskiptavinurinn í virðisaukaskattskyldum rekstri. „Þá sjáum við um að senda skýrsluna í rafrænu formi til skattstjóra og viðskiptavinurinn getur greitt hana í heimabanka sínum,“ útskýrir Eyvindur og bendir á að sum fyrirtæki kjósi að fá bókara frá KPMG til að koma til sín og vinna í þeirra eigin tölvukerfum. „Sú þjónusta okkar hefur mælst mjög vel fyrir.“

Vistun dk bókhaldskerfis

„Í samvinnu við dk hugbúnað ehf. bjóðum við vistun dk bókhaldskerfis. Bókhaldskerfið er þá vistað hjá dk hugbúnaði ehf. sem sér um að ávallt sé unnið á nýjustu útgáfu kerfisins auk daglegrar afritatöku sem er afar mikilvægt,“ segir Eyvindur. Hann bendir á að viðskiptavinir KPMG geti þannig fært sölureikninga hjá sér ásamt innborgunum viðskiptavina og haft daglega yfirlit yfir viðskiptafærslur.

„Við hjá KPMG færum fjárhagsbókhaldið á skrifstofu okkar eða hjá viðkomandi viðskiptavini. Sifellt fleiri nýta sér að fá starfsmann frá KPMG til sín enda hefur það sýnt sig að vera hagkvæmt og auk þess fylgja því þægindi að þurfa ekki að flytja gögn á milli húsa.“ Viðskiptavinurinn hefur því beinan aðgang í bókhaldskerfið og yfirsýn um rekstur og stöðu félagsins á hverjum tíma.

„Auk færslu bókhalds tókum við að okkur að útbúa og senda út sölureikninga fyrir viðskiptavini,“ tekur Eyvindur fram.



„Okkar helsti kostur er sá að við höfum yfir að ráða fjölda sérfræðinga sem við getum leitað til eftir því af hvaða toga verkefnið er,“ segir Eyvindur Albertsson, löggiltur endurskoðandi hjá uppgjörs- og bókhaldssviði KPMG.

MYND/VALLI

Gerð ársreikninga

Uppgjörs- og bókhaldssvið býður viðskiptavinum sínum faglega og ekki síst áreiðanlega þjónustu við gerð ársreikninga og árshlutareikninga hvort sem viðskiptavinurinn færir bókhald sitt sjálfur eða það fært hjá KPMG.

„Við getum tekið við rafrænum færslum til uppgjörs úr öllum helstu bókhaldskerfum sem eru á markaðnum,“ segir Eyvindur.



Skattframtöl fyrir einstaklinga og fyrirtæki

„Við önnumst gerð skattframtala, bæði fyrir einstaklinga og fyrirtæki,“ segir Eyvindur og bendir á að á uppgjörs- og bókhaldssviði starfi löggiltir endurskoðendur og sérfræðingar á sviði skattamála. „Þá störfum við einnig í náinni samvinnu við skatta- og lögfræðisvið KPMG,“ segir hann.

Einnig er veitt skattaleg ráðgjöf á sviðinu. „Þá tókum við að okkur að svara



kærum og fyrirspurnum skattyfirvalda ef þess er óskað.“

Launaútreikningur er oft flókinn


Eyvindur segir æ algengara að bæði stórir og smáir rekstraraðilar fái utanaðkomandi aðila til að sjá um launaútreikninga hvort sem er að hluta til eða öllu leyti. „Ástæðan er meðal annars að launaútreikningur er oft flókinn og ekki síður sú launaleynd sem oft er krafist að viðhöfð sé í fyrirtækjum,“ segir Eyvindur en uppgjörs- og bókhaldssvið KPMG annast launavinnslur fyrir rekstraraðila og félög.

„Við færum launabókhald, sendum launamönnum launaseðla á pappír eða í rafrænu formi, útbúum skilagreinar til lífeyrissjóða, stéttarfélag og skattyfirvalda,“ segir hann en í árslok eru útbúnir launamíðar og þeir sendir skattyfirvöldum og launþegum ef þess er óskað. „Ef viðskiptavinurinn færir sjálfur fjárhagsbókhald sitt sendum við honum dagbókarskrá yfir launavinnslur, annaðhvort til innsláttar eða í rafrænu formi til innlestrar.“

Mikil sérfræðikunnátta á einum stað

„Við finnum fyrir því að margir hræðast stór fyrirtæki á borð við KPMG. Það er hins vegar alger óþarfi. Okkar helsti kostur er sá að við höfum yfir að ráða fjölda sérfræðinga sem við getum leitað til eftir því af hvaða toga verkefnið er,“ segir Eyvindur. Á uppgjörs- og bókhaldssviði KPMG starfar vel þjálfað reynslumikið starfsfólk, meðal annarra löggiltir endurskoðendur, viðurkenndir bókara og starfsfólk sem er með mikla reynslu af uppgjörum og hefur yfirsýn yfir flestar tegundir atvinnurekstrar í landinu. „Þá teljum við okkur einnig mjög samkeppnisfæra í verði í þessum geira,“ segir Eyvindur og bendir að lokum á heimasíðu KPMG www.kpmg.is fyrir þá sem vilja kynna sér starfsemi fyrirtækisins nánar.

„Á uppgjörs- og bókhaldssviði KPMG þjónustum við minni og meðalstóra aðila sem ekki óska eftir endurskoðun ársreikninga. Sviðið var sett á laggirnar til að tryggja að þessi fyrirtæki fengju jafn góða þjónustu og stærri fyrirtækin.“



Á uppgjörs- og bókhaldssviði KPMG starfar vel þjálfað og reynslumikið starfsfólk.



Fólkið í landinu les Fréttablaðið

Ný fjölmiðlakönnun Capacent Gallup staðfestir vinsældir Fréttablaðsins enn einu sinni. Til dæmis lesa 70% íbúa höfuðborgarsvæðisins milli átján og fimmtugs að meðaltali hvert tölublað Fréttablaðsins - næstum þrefalt fleiri en lesa það dagblað sem kemur næst á eftir.

Við erum stolt af þessum glæsilega árangri og munum halda áfram að miðla skemmtilegu og upplýsandi efni, hlusta á raddir lesenda og vera líflegur vettvangur fyrir skoðanaskipti.

18-49 ára	Höfuðsv.	Landið allt	12-80 ára	Höfuðsv.	Landið allt
Fréttablaðið	70%	57,5%	Fréttablaðið	73,0%	59,4%
Morgunblaðið	25%	26,8%	Morgunblaðið	32,1%	33,1%
DV	13,1%	11,6%	DV	13,3%	12,2%
Fréttatíminn	48,4%	35,9%	Fréttatíminn	54,8%	40,8%
Finnur.is	30,2%	22,6%	Finnur.is	38,8%	29,5%
Monitor	25,3%	22,5%	Monitor	25,5%	23,7%
Viðskiptablaðið	7,6%	7,6%	Viðskiptablaðið	10,2%	9,1%

Prentmiðlakönnun Capacent Gallup. Október til desember 2011, meðallestur á tölublað.



Allt sem þú þarft...